

cujus sumus, inherendum est dicente Apostolo: *Nostrum enim non sumus, et non estis vestri; empti enim estis pretio magno; glorificate et portate Deum in corpore vestro* (I Cor. vi, 20). Dedit nobis pretium, id est, qui et pretium est; ut jam non nostræ, sed voluntati pareamus suæ. Hinc itaque Redemptor noster ad electos suos loquitur: *Vos de hoc mundo non estis* (Joan. xv, 19). Hinc et ille: *Exite de medio eorum et separamini* (II Cor. vi, 17); cujus voces assecuti, secedentesque, velut post tergum cum vitis suis mundum reliquimus. Quod ergo secessionis hujus erit pretium, ipse Dominus noster Jesus Christus indicat dicens: *Si quis venit ad me, abneget semetipsum, et tollat crucem suam, et sequatur me* (Matth. xvi, 24). Portemus ergo crucem nostram, carnis desideris, id est, vitis repugnantes, voluptatibusque ejus pravis nihil indulgendo. Crucifixit corpus qui non vivit corpori. Illius igitur curam ne feceritis in desideriis (Rom. xiii, 4); quia non minus per illecebras suas infestum est nobis et adversum, quam ille princeps aeris hujus indefessus hostis noster, qui retrahere nos a cælorum nitenti regno contendit. Denique hæc ipsa illi ad decipiendum hominem sæpe machina est. Et revera cum ipsi nos in anima simus constituti, extrinsecus sit corpus; ideo a Deo, ut hic ibi datum est, hic interim dum ille resurrectionis dies venerit, relinquendum est. Dubiumne est magis nos custodire debere quod est proprium, quam quod externum nobis est? Nobis potius consulamus quam corpori, quod plane non minus quam divitiæ ac reliquæ, quæ quondam nostra diximus, deserendum? Mortificemus enim membra nostra, ut vivamus vitæ, quæ hanc non tam vitam quam pretium vitæ esse probat. Non nunc quidem primo de turbidi sæculi cæno emergimus. Cui tempore quippe apud hæc præceptorum ars videri potest. Inculcandum tamen nobis est, vana hujus mundi gaudia, vana illa omnia, quæ semper volentes invitoque amittit, pie nos quod mortalitati debent Deo reddere. Angusti abjectique est animi, qui non spes suas ultra hoc sæculum porrigit. Quapropter in futura nos extendentes facultatum et voluptatum præteritarum obliviscamur. Lot beati conjux testis in æternum manet, respicientem retrorsum evadere ad superiora non posse (Gen. xix). Quid negotii est converti ad ea quæ semel spreveris? quamquam si consideremus, et ne vel hinc vana sit locus gloriæ, non spreveris ea neque abjecimus; sed fenore majore commutavimus. Contempseramus sane quæ reliquimus, si ob hoc cælum cæli non speravimus. Nec tamen ea ipsa, quæ reliquimus nostra sunt; nam cum ipsi nos simus ejus a quo instituti videmur; agnoscendum est ejus esse quæ reliquimus et quæ desideramus. His igitur apud animum obliteratis quæ jam repudiata sunt, sectemur justitiam, benevolentiam, pietatem, mansuetudinem, fidem, charitatem. Custodiamus thesaurum, quem Christi pauperes gerunt, et in vasis fictilibus depositum teneamus. Firmis est insistentium vestigiis, quia quod scandimus iter lubricum est, et quo difficiliss

carere delicto potest, in hoc esse debet major custodia. Sed ne dubetas in laboris libertate hujus spe sit, audiamus quæ justis injustique merces movent. *Qui credit in me habet vitam æternam*, ait Dominus (Joan. viii, 24). Quis ergo credentibus vel timentibus Deum linis est, quibus æterna vita erit linis? At e contrario præceptis Domini non obtemperantibus quis denuntiatur exitus? *Discedite a me, maledicti*, ait Dominus, *in ignem æternum, qui præparatus est diabolo et angelis suis* (Matth. xxv, 41). Vultis qui utrumque meritum terminus consequatur. Si ex hæc quæ promittitur, vel pœna vel gloria, una tantum res nobis remota, alia denuntiaretur infinita; sic quoque incitamenta ad bene vivendum proponi putarem. Nunc vero an illud magis refugiendum sit, an istud magis ambiendum, cum hinc magna sint sup. licia, hinc magna sint præmia? Et tamen etiam si merita nostra retributio digna non sequerentur, quid fieri rectius ab homine possit, quam indultam vitam caste ac pie vivere; et sanctitatemque ejus, cujus imaginem gestare, emulari? Adde quod per ineffabilem Domini nostri misericordiam ad beatam vitam minoris præmiisque etiam sollicitamur. O quam pulchra illa, spreto fideliter sæculi hujus rebus, advenit post Domini in vos fidelis remuneratio, cum in illa coruscanti sede gloriæ, sanctorum chorus mixti verum Dei Filium Agnum sequemur; pariterque in hæc vita Christo consepulti, in illa pariter exultantes regnabimus! *Ind quæ sunt passiones hujus temporis ad futuram gloriam quæ revelabitur in nobis* (Rom. viii, 18). Atque idcirco ut hujus gloriæ non expertes simus, vitæ hujus voluptate non capiamur. Vita enim nostra abscondita est in cælo. Nihil in hoc mundo speremus. *Spes enim quæ videtur non est spes*. Nec multitudinis retigiamus exemplo: *Multi enim sunt vocati, pauci vero electi* (Matth. xxii, 14). Nec inchoato studio lassemur; non enim qui cœpiit, sed qui perseveraverit *sultus erit* (Marr. x, 12). Gula, libidinis, avaritiæ, iræ, vanitatis, superbiæ, una est debellatrix tot criminum continentia; cujus optimus erit custos timor, si meminerimus in conspectu Domini nos semper sitos. Gaudium ac tristitiam tunc magis nostram ducamus, cum proximorum sit lingue et aurium prorogo. Hæc, filii mei, memoria, hæc observationi mandate; nec longus in his custodia labor erit. Quanti enim ut sumus vitæ hujus sunt dies in nobis? Propterea, quia, sicut scriptum est, *sæculorum fines decurrerunt* (I Cor. x, 11), non esse diuturnum potest, quin nos si non communis, propria saltem absolute, ad judicem nostrum sponsoremque meritum Dominum transferat. Hæc audientes tacitis ora lacrymis rigant: tantus eorum erga beatitudinem futuram in hujusmodi exhortationibus affectus est. Sic itaque beatissimus Paulus mysticis imbuis disciplinis, devovens militiam Regi sæculorum Deo, per stipendia innocentis vitæ præmia consecratur æterna.

ADMONITIO AD VIRGINES

1. Si diligenter attenditis, venerabiles filie, evidenter agnoscitis, quod nullus homo sibi soli vivit, nullus sibi moritur. Omnis enim quantiscumque exemplum sanctæ conversationis præbuerit, cum tantis et pro tantis ad præmia æterna perveniet. Et contra qui exemplum malæ vitæ et perversæ actionis ostenderit; quantascumque suis malis moribus ad opera iniqua provocaverit, cum tantis et pro tantis perpetua supplicia sustinebit. Nos vero non solum exemplum male vivendi cæteris non præbeamus, sed etiam sancta et salubri admonitione ad humilitatem et charitatem vel obedientiam jugiter provocemus.

D Non simus de illis, quæ irascentibus vel furentibus quibuscumque sororibus malis consiliis solent pabulum superbiæ ministrare, dicentes, quod non debeant tanto tempore abjecta se humilitate dejicere, et tam dura vel inepta imperia sustinere. Non simus de talibus, quæ per amarissimas linguas, non solum vulneratas curare nolunt, sed etiam quæ sanæ sunt vulnerare contendunt: quæ murmurando, detrahendo, per inobedientiam vel iracundiam non Christo servire, sed diabolo militare et ministrare consueverunt; astutus enim et crudelis diabolus calliditate veteris artificii ac multiformis ingenii animas quas

semel persuasione nequissima desides, tepidas, ac negligentes effecerit; etiam in aliorum subversionem sibi servire compellit, de quibus scriptum est: *Utinam calidus esses aut frigidus! nunc autem, quia tepidus es, incipiam te evomere ex ore meo (Apoc. v, 15)*. Tales enim animas ad inobedientiam vel superbiam præparatas diabolus omni lumine veritatis et charitatis exæcat, et quasi venator robustissimus et callidissimus auceps velut illices sibi ad capiendas, si potest, etiam sanctas animas aptat ac præparat; quomodo aucupes facere solent, qui columbas quas primum ceperunt exercent et sordas faciunt; ut dum ad illas reliquæ columbæ conveniunt, præparatis retibus capiuntur. Ita etiam hostis antiquus de tepidis clericis, et de negligentibus monachis, vel desidiis virginibus exercere consuevit: et cum in eis oculos patientiæ clausit, ignem compunctionis et flammam veræ charitatis exstinxerit, et de solo religionis habitu persuaserit gloriari, sicut jam dixi, ad aliarum perditionem velut illices eos proponit, et præparat in exemplum, ut dum illos simplices quique et minus solliciti imitantur, diversis laqueis vel retibus capiuntur. Isti tales non solum pro se, sed etiam pro aliis quos exemplo malæ conversationis de bono humilitatis et obedientiæ revocaverint, rationem sunt in die iudicii reddituri.

2. Antiquus enim hostis, qui bonis semper invadere consuevit, primum servus vel ancillas Dei, quos tepidos ac negligentes esse cognoverit, persuadet otiosis fabulis occupari, murmurando vel detrahendo ad contumaciam provocare, et ad audiendam lectionem tardissimos reddere: et cum in eorum cordibus velut callum, et, ut ita dixerim, scoriæ teporis induxerit, ad quælibet opera mala sibi eos facit præparatos, et omnibus vitiis vel negligentis infelicitate servire compellit; secundum illud quod Veritas dixit: *Qui facit peccatum, servus est peccati (Joan. viii, 34)*; et *a quo quis superatur, ejus servus afficitur (II Petr. ii, 19)*. Sicut enim sanctæ ac spiritales animæ fervore charitatis accensæ Spiritu sancto aguntur, et ad omne opus bonum jugiter præparantur, secundum illud quod Apostolus ait: *Quotquot spiritu Dei aguntur, hi sunt filii Dei (Rom. viii, 14)*; ita contrario negligentes et tepidæ ab illo contrario spiritu possidentur, de quo scriptum est: *Cum exierit immundus spiritus ab homine, vadit per loca arida, quærit requiem et non invenit; postea revertens invenit domum suam vacuum et scopis mundatam, et adducit secum alios septem spiritus nequiores se, et erunt novissima hominis illius pejora prioribus (Luc. xi, 14)*. Illæ enim sine dubio patiuntur clerici monachi, sive virgines superbi, inobedientes et tepidi. Cum enim in primordiis conversionis suæ relicta sæculi conversatione ad militiam sanctæ religionis animo ferventi confugerint, per gratiam Dei vacuantur omnibus malis; postea vero dum per negligentiam ac desidiam non apponunt studium, ut cum Dei adjutorio replentur spiritualibus bonis, vitia quæ discesserant invenientes eos cum multiplici nequitia remeantes, compellunt eos redire ad vomitum; et impletur in illis quod scriptum est: Sicut canis quando revertitur ad vomitum suum odibilis fit, ita et peccator quando revertitur ad peccatum suum. De istis talibus terribiliter clamat apostolus Petrus: *Si enim, inquit, refugientes coinquinationes mundi his rursum implicati superantur, facta sunt eorum posteriora deteriora prioribus. Melius, inquit, fuerat illis non cognoscere viam justitiæ, quam post cognitionem retrorsum converti ab eo quod illis traditum est sancto mandato; contigit enim illis illud veri proverbii: Et canis reversus ad vomitum suum, et sus lota in volutabro luti (II Petr. ii, 20)*. Hoc illis evenit, qui post abstinentiam ad guttam, post vigiliam ad somnolen-

tiam, post humilitatem ad superbiam, post obedientiam ad contumaciam, post patientiam ad iracundiam, velut canis ad vomitum, et velut sues revertuntur ad luxuriæ volutabrum.

3. Et ideo qui se talem esse cognoscit, dum corrigendi tempus est, cum rugitu et gemitu ad vulnus superbiæ humilitatis medicamentum contendant apponere: contra murmurationis vel iracundiæ venenum antidotum obedientiæ festinet accipere. Et antequam anima sua multis peccatis obnoxia de hac luce discedat, remedium sibi in diem necessitatis acquirat, et lampadi suæ per superbiam extinctæ humilitatis et charitatis oleum, dum colligendi et emendi tempus est, præparare contendant, ut inter sanctas virgines accensa virginitalis lampade in vasculo animæ suæ oleum charitatis exuberet. Quia penitus virginitas in corpore nihil proderit, si charitas vel humilitas a corde discesserit. Et hæc quidem observant animæ sanctæ, et quæ illis similes esse volunt, facere non desistunt.

4. Aliæ vero quæ non spiritualiter, sed carnaliter vivunt, non humilitati sed superbiæ infelicia colla submittunt: nec velut apes spiritalia mella colligunt, sed quasi vespæ crudelia venena diffundunt: quando senioribus inobedientes existunt, quando flammis iracundiæ succenduntur, quando odium in corde condunt, quando murmurationibus suis et se et alias vento superbiæ de portu obedientiæ excussas, et de tranquillitate patientiæ proturbatas faciunt naufragare; et quæ in primordiis conversationis suæ relicta sæculi fluctibus ad quietem monasterii confugere, nunc nimio furore superbiæ in ipso portu procellis iracundiæ naufragare probantur. Istis talibus meliores sunt illæ, quæ sæculo servire videntur, quia multo melius est humilis conjugalitas, quam superba virginitas, et plus laudabiles quæ in medio pelago se Dea auxiliante custodiunt, quam illæ quæ in portu nimia negligentia vel securitate merguntur.

5. Felices ergo sunt illæ animæ, quæ ita cor suum diversis virtutum aromatis Christi donante replere contendant; ut ex illorum ore non nisi charitatis et humilitatis, nunquam nisi castitatis, vel mansuetudo, vel obedientiæ proferatur: unde et sibi æterna præmia, et aliis præbeant sanctæ conversationis exempla. Sicut econtrario infelices sunt, et misere, et omni lacrymarum fonte lugendæ, quæ ita malis moribus corrumpuntur, ut ex illarum ore, vel indigna conversatione, non Christi medicamenta, sed diaboli venena procedant. Quæ cum foris religioso habitu quasi pellibus ovium contegantur, velut lupi rapaces intrinsecus esse noscuntur, et serpentium vel viperarum more, tandiu fictam humilitatem habitu corporis demonstrare videntur, quamdiu nulla castigatione corripiuntur: at ubi vel levis admonitio fuerit, tunc falsa humilitate remota superbiæ se furor exeret; et tunc in veritate cognoscitur, quia aliud præferebatur in ore, aliud abscondebatur in corde; falsa humilitas fingebatur in corpore, et superbiæ virus tegebatur in mente.

6. Hæc ergo omnia timentes potius quam de vobis sinistrum aliquid sentientes, cum omni humilitate et paterna sollicitudine charitati vestræ suggestimus; et ideo ante oculos vestros tepidorum negligentias proferre volumus: ut et de bonis, quæ in vobis munere divino collata sunt spiritaliter gaudentes, Deo gratias referatis, et pro me ac mei similibus, qui adhuc multis negligentis premimur, jugiter Dei misericordiam supplicetis: ut cum ante tribunal Christi vobis pro perseverantia bonorum operum corona tribuatur, nobis intercessione vestra vel peccatorum indulgentia concedatur, præstante Domino nostro, qui cum Patre et Spiritu sancto vivit et regnat in sæcula sæculorum. Amen.